



Broj: 10/E-11-5412/23
Sarajevo, ~~08-09-2023~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova, imenovana rješenjem Općinskog načelnika broj: 10-45-1695/23 od 23.02.2023. godine, (u daljem tekstu: Komisija II), u postupku javne nabavke: Usluge mašinskog čišćenja hodnika i stepeništa u zgradi Općine Centar Sarajevo, putem konkurentskog zahtjeva za dostavu ponuda, uz primjenu e-aukcije, (Zapisnik o pregledu i ocjeni ponuda broj: 10/E-11-5412/23 od 04.09.2023. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

I Prihvata se ponuda ponuđača „KRISTAL“ d.o.o. Sarajevo, ulica Džemala Bijedića broj **135,71000 Sarajevo**, broj: 125/23-H od 30.08.2023.godine, za usluge mašinskog čišćenja hodnika i stepeništa u zgradi Općine Centar Sarajevo, putem konkurentskog zahtjeva za dostavu ponuda, uz primjenu e-aukcije, **u ukupnom iznosu od 7.498,11 KM bez PDV-a odnosno 8.772,78 KM sa PDV-om.**

II Ova odluka stupa na snagu danom donošenja i dostavlja se ponuđaču učesniku u postupku javne nabavke u roku od 7 (sedam) dana, shodno članu 71. Zakona.

III Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za usluge mašinskog čišćenja hodnika i stepeništa u zgradi Općine Centar Sarajevo, putem konkurentskog zahtjeva za dostavu ponuda, uz primjenu e-aukcije pokrenut je Odlukom Opštinskog načelnika o pokretanju postupka broj: 10/E-11-5412/23 od 23.08.2023.godine, broj Obavještenja na Portalu javnih nabavki: 848-7-2-142-3-161/23 od 24.08.2023. godine. Procijenjena vrijednost javne nabavke iznosi 7.500,00 KM (bez PDV-a).

U određenom roku za predaju ponuda, 04.09.2023. godine do 11,00 sati, dostavljene su 2 (dvije) ponude, kako slijedi:

1. O.R. VERLAŠEVIĆ Sarajevo
2. KRISTAL d.o.o. Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

R/B	Ponuđač	Ukupna cijena ponude bez PDV-a	Popust	Ukupna cijena sa PDV-om
1.	O.R. VERLAŠEVIĆ	7.499,72 KM	-	8.774,67 KM
2.	KRISTAL d.o.o. Sarajevo	7.498,11 KM	-	8.772,78 KM

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponude u smislu provjere validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je u postupku javne nabavke za **Usluge mašinskog čišćenja hodnika i stepeništa u zgradi Općine Centar Sarajevo**, nakon detaljne analize prispjelih ponuda, konstatovala da ponuda ponuđača O.R. VERLAŠEVIĆ Sarajevo nije prihvatljiva, te se ista isključuje iz daljeg postupka evaluacije.

Naime, ponuda ponuđača O.R. VERLAŠEVIĆ Sarajevo ne sadrži :

- Referens listu, (potpisanu i ovjerenu od strane ponuđača) u skladu sa članom 48. stav (2) Zakona, kojom ponuđač dokazuje da ima uspješno iskustvo u realizaciji 1 (jednog) ugovora
- Izjava o ispunjavanju uslova iz člana 45. Zakona o javnim nabavkama-Aneks 3- nije ovjerena od strane nadležnog organa
- Izjava o sukobu interesa iz člana 52. Zakona o javnim nabavkama – Aneks 4- nije ovjerena od strane nadležnog organa

Ponuda ponuđača „KRISTAL“ d.o.o. Sarajevo ispunjava formalno pravne, ekonomske i tehničke uslove odnosno zahtjeve ugovornog organa, te je konstatovano da je ponuda prihvatljiva.

Tenderskom dokumentacijom je predviđeno provođenje e-aukcije. S obzirom da je od dostavljene 2 (dvije) ponude, samo 1 (jedna) ponuda PRIHVATLJIVA, postupak javne nabavke se okončava u skladu sa članom 69. stav (1) tačka a) Zakona o javnim nabavkama.

Komisija je u daljem radu donijela jednoglasnu odluku da se Opštinskom načelniku dostavi:

PREPORUKA O PRIHVATANJU PONUDE

Ponuđača **„KRISTAL“ d.o.o. Sarajevo, Džemala Bijedića broj 135, 71000 Sarajevo**, broj: 125/23-H od 30.08.2023. godine, za dodjelu ugovora za usluge mašinskog čišćenja hodnika i stepeništa u zgradi Općine Centar Sarajevo, putem konkurentskog zahtjeva za dostavu ponuda, uz primjenu e-aukcije, **u ukupnom iznosu od 7.498,11 KM bez PDV-a odnosno 8.772,78 KM sa PDV-om.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od 3(tri).

OPŠTINSKI NAČELNIK

Srđan Mandić

Prilog: Zapisnik o pregledu i ocjeni ponuda
broj: 10/E-11-5412/23 od 04.09.2023.godine

Dostaviti:

1. O.R.VERLAŠEVIĆ, ulica Hakije Kulenovića broj 38,71000 Sarajevo
2. „KRISTAL“ d.o.o. Sarajevo, ulica Džemala Bijedića broj 135,71000 Sarajevo
3. Službi za zajedničke i tehničke poslove
4. Kabinetu općinskog načelnika – Odsjek za javne nabavke
5. Službi za finansije
6. Arhivi